

太上助國救民總真秘要卷之二

洞幽法師元妙宗編

上清北極天心正法斗下靈文符咒  
存變占遣治訣

凡辟除瘟疫 治危病 斷傳尸疰氣 制伏狂邪鬼神 破不正

符廟 並先精潔焚香 步綱畢 變神 默以虔告上清北極大帝後  
便步斗綱 念斗咒 至破軍上 念天綱大聖咒 彈卻斗訣後 以天  
丁訣 直至而行 次依四季殿朝玉皇上帝 錄其因依 節略事情  
依式上奏 候玉皇敕旨 卻往某人家 指揮二神將 隨後至某人家  
門外 用變神句呼神將 同用上帝及天丁訣 存帶去人為四直功曹  
六丁六甲將軍 當界土地畢 後點取隨身要用訣目耳

北斗七星局邪訣

存北斗星覆鎮頭上 以網柄指向前 存兩手肘膊胸 為一座斗  
星畢 後步北斗七王入門 從貪狼步起 以網柄指向前 至廳上坐  
存己身為北極驅邪院使 左手執都天大法主印 右手仗三昧火鈴  
劍 如三天正一真人服飾 交泰冠 魚鬣服 烏爪朱履 左右存四

太上助國救民總真秘要卷二

清微藏書閣

大天王 八大金剛 十二大神 子丑寅卯辰巳午未申酉戌亥 十二  
時神 六丁六甲將軍 當直日時二功曹 然後據事依法行持

變神訣

凡行持遣敕 並先變神 掐本師訣 存為驅邪院使 天師服飾  
二神將 日時功曹立於左右訖 次用上帝訣 次變神訣 念咒  
次遣用掐上帝訣 兩手俱作 叩齒三十六通 次步綱如常法 微祝  
曰

授太上法籙弟子 具位謹召年神月將六甲吏兵 今日今時 直  
符籙中神將 統兵助法神將一千兵馬 直日六丁騎吏兵馬 一合下  
來 行神布氣 又叩齒七通 咒曰 結變神印 念變神咒

吾非凡之身 頭似黑雲 髮如亂星 左目如日 右目如月 鼻  
如火鈴 耳如金鍾 上脣雨師 下脣風伯 牙如劍樹 十指如功曹  
敕吾左肋岷山君 敕吾右肋廬山君 敕吾左足左雷將軍 敕吾右  
足右電將軍 敕吾脊骨泰山君 三十六禽 二十八宿 並應吾身  
急急如律令

識法中聖像

北極五靈老君 玄冠羽服煥然 如望日輪中有帝王 髣髴左右侍玉  
 女 策之徐徐 而侍從如帝姓遐諱明  
 上台真君 身長一丈 面黃 吐黃氣 散髮道裝 淺黃之衣 手執  
 玉圭 乘三素玄雲 頂中有黃炁 名虛精  
 中台真君 身長一丈 面白光 吐白炁滿天下 道裝白衣 執白圭  
 乘白雲 頂中有白炁 名六淳  
 下台真君 身長一丈 面青有光芒 氣如絲 射暗立青氣中 道服  
 青衣 執青圭 名曲淳  
 貪狼星君 身長一丈二尺 如曠野鬼帥 披髮 面色青赤 左手拄  
 白棒 右手按前  
 巨門星君 如美婦人 披纓絡 戴五色花冠 執通明寶扇 青衣女  
 子侍從  
 祿存星君 如二十美丈夫 花貌 披草衣 執紙筆 正面立  
 文曲星君 披髮 執文字 騎五色雲龍 顏如婦女  
 廉貞星君 獨髻 騎白龍 戴七寶冠 從者四人 各執戟隨  
 武曲星君 象頭人面 仗劍 披纓絡 從者四人 各執戟隨從

太上助國救民總真秘要 卷二

清微藏書閣

破軍星君 豬頭人面 手持歡喜團 披白素衣 口吐赤炁 光明奪  
 日 立斗柄頭  
 輔星 冠冕服 執簡 如世宰輔之服  
 七元星君 皆道裝黃衣 乘黃雲 白圭 頂中出玄氣  
 弼星 緋衣 同七星 長一丈 執圭 出五色雲氣 天剛大聖上帝  
 封為婆羅王 乃七元之領袖 身長百尺 著素羅 披髮 左手叉腰  
 右手仗劍 跌足丁立 面紫色 頂中出氣兩條 一青一白 於青  
 白中 復有赤炁如絲以訣取之  
 真武 身長百尺 散髮 金鑲甲冑 足踏五色靈龜 又名騰蛇八卦  
 之龜 按劍 立眼 如電光 凡用真武符 即取氣 以為功曹注入  
 筆頭墨硯中 後以斗訣書之 左右執旗戟共九人 同乘黑雲  
 天丁力士 緋衣大袖 弁冠 執戟 姓句 名民子  
 神將 皂衣 緋抹額 如神人 統兵仗劍 助法執戟 或作將軍狀  
 本師訣句之 咒曰  
 北帝有將 職主驅邪 神通廣大 利爪長牙  
 威動天地 氣若雲霞 統領吏兵 驅使夜叉

後擁劍戟 前走雷車 威風戛地 走石揚砂  
功賞正道 收捕精邪 為禍等鬼 盡底擒拏  
急急如律令 出將居左 上承聖旨

北帝有將 職主驅瘟 威動乾坤

下救生民 德合天地 後有力士

腳踏滄海 頭戴崑崙 劍戟如雲

前擁三軍 驅雷走火 夜殺惡鬼

闢開人路 滄塞鬼門 捉赴帝君

日吞五瘟 一切禍鬼 急急如律令 出將居右

寸斬無赦 碎如微塵 仗劍 以本將日辰訣句之

功曹 戴冠 朱履 仗劍 以本將日辰訣句之

土地 白襪衫 裹幘頭 著靴 身長三尺二寸 以本師訣句之

子日直符 鼠頭人身 黑衣持鑲

丑日直符 牛頭人身 黃衣 執如前

寅日直符 虎頭人身 著青持鈔 鈔者 戟上有赤蒂

卯日直符 兔頭人身 著青持鈔

# 太上助國救民總真秘要 卷二

清微藏書閣

辰日直符 龍頭人身 黃衣持鈔

巳日直符 蛇頭人身 赤衣持戟 有紼

午日直符 馬頭人身 赤衣持戟

未日直符 羊頭人身 黃衣持戟

申日直符 猴頭人身 白衣持槍

酉日直符 雞頭人身 白衣持槍

戌日直符 狗頭人身 黃衣持槍

亥日直符 猜頭人身 黑衣持鑲

已上直符同嶽兵 勇猛鬼神 帶甲持戟

天界直符 焦公奴

地界直符 鄭元喜

空界直符 張元伯

驅邪院使 張天師 披白魚鬣服 交泰冠 足躡朱履 左手持都天

大法主印 右手仗三昧火鈴北斗神劍

傳教 譚先生 松形鶴體 戴華陽巾 衣紫鶴氅 字凌虛

傳教 饒先生 眉目疏秀 形儀長五尺餘 舉止端雅 衣鶴氅 華

陽帽

東嶽差來補充統兵神將一員 裏朝天幘頭 皂繡金花袍 紅羅

抹額 碧玉束帶 金鎖甲 蒼龍皺紋靴 身長十二丈 執鏗鋼長劍

乘赤馬 擁紅繡旗 主統吏兵 護衛正法 若遇有救應 收擒鬼

賊 誅伐行事 乃主通傳教令 明白約束 激勵部伍 克敵克勝

若有使令 即時受事 事畢 明通報應

助法神將 持黃鉞斧 乘白馬 擁黃繡旗 衣冠甲冑 等同統

兵神將 並齊心協志 統攝吏兵 衛護法師 若有救應 收擒鬼賊

誅伐等事 皆同謀慮 通傳教令 整肅兵威 制勝料敵 有所使

令 明作報應 二主將 十亞將 二十兵頭部伍 五龍神 五嶽主

精兵一千人 一規儀使 二主簿官 十二曹使 四直功曹 一土

地

亞將十員 形貌不一 各長一丈 冠帶兜鍪 黃金甲 手執弓

矢戈劍 各五色旗 乘馬 二主將驅率所部兵眾 擁敵收擒誅伐

聽主將擊勵兵陣 務要威猛

兵頭部伍長二十員 銀兜鍪 鎖甲 操利器 身長九尺五寸

# 太上助國救民總真秘要 卷二

清微藏書閣

或乘或步 常佐十亞將驅策部伍 震動威猛 救應勤勞 務功立事

防禦五龍神祇 應五人 常制禦龍神 防護道法 若本院有

所祈禱雨澤 助國利民 主驅發引龍 務降時雨 若本院有收擒

精怪誅伐 則破蕩窟穴 夷滅宮廟 摧裂山澤 掃蕩邪精 流布旺

炁 治怪除妖

左右震奮力士二人 掌立斗獄 躬親護衛

九獄主九人 本院有囚禁鬼神 繫勘之事 各率神兵 堅固緊

切 不得透漏 現露蹤跡聲色形狀 明使報應 解獄交付主者 各

要執持器械枷械 繫縛鞭扑之具

精兵一千眾 各長九尺 衣雜綵衣 銅兜鍪 鐵甲 各執器仗

弓劍 並五人為伍 五伍為兩 四兩為一亞將所管 二兩為一兵頭

部伍長所管 皆以英傑勇銳猛捷 收擒鬼賊 制伏精怪 若鬼魅兇

狂 敢行抗捍 則各整器械 盡力誅斬 務立功勳 亞將部伍長明

教令 無使懈慢

直壇規儀一員 冠古大夫冠 衣古大夫服 佩劍 搢笏 履烏

糾察將吏兵眾 務令整肅 常有規儀 若遇救應收擒 舉覺將吏

兵眾 有功者舉賞 犯者無赦

兵府行司主簿一員 從事四員 掌握兵籍名數 凡將吏兵眾  
誅伐救療 錄功畫過 畫一申聞機宜 許置同贊長 副審而行之  
隨兵從事八人 主隨主將 掌職庶事 有職備使 未有常任

隨事使令 通傳號令

當直年月日時使者四員 以精兵協佐 機宜謹密 句呼鬼神

通傳號令 奉受文誥 進發表章 關文狀牒 明通報應 無輒稽遲

直壇土地一員 以行司所到處土地 充主管界內鬼神 本院有關

告 通傳教令 句集搜捉邪祟 傳遞關牒 行司所主 隔絕兇惡小

人 虎狼毒蛇 厭穢不祥 伏尸注炁 檢察遏絕 無不叮嚀

眾監兵廚主吏一員 掌本院飲食羞膳 凡宴饗庖饌 務在精潔 驅

逐鼠蟻蠅蟲貓犬諸穢 若有鬼賊偷藏及有褻汙 仰立顯威靈 務令

驚畏 職各有任 故莫可闕

發功曹法咒

敕某日當直功曹使者 諦聽吾言 吾奉上天敕命 佐天行化 助國

救民 治病除妖 剪邪立正 使汝上天 為吾徑赴天曹 使汝入地

## 太上助國救民總真秘要 卷二

清微藏書閣

為吾直往地府 使汝入水 為吾徑入水府 三界之內 應有邪祟

鬼神 不問高下 速就逐處收捉 吾今治病除妖 更莫住滯 明承

牒命 無輒故違 稟敕奉行 急急 吾在壇前卓劍相待 右手掐四

指根 如拋劍在目前

發土地咒

天靈地靈 天地交并 承帖土地 不得留停

速去速來 吾在壇前卓劍相待

書符訣

凡書符 先須告三界直符使者 今關告符中所請 符中諸大聖

眾 願降威光 灌注符筆 凡欲為人書符行法 及自修真 步綱履

斗 皆須隨陰陽日行用 若不依此 少驗無靈矣

陽日 甲丙戊庚壬

陰日 乙丁己辛癸

凡欲書符 使用斗訣 三台星形 逐星落筆 取炁灌注筆中

上台 頂出黃炁

中台 頂出白炁

下台 頂出青炁

凡書符 三台星用三台咒 敕字墨書玉皇訣 日月並天剛大聖

字 並用朱書 念天帝釋章咒 語盡筆盡 七星 朱書 念拆斗咒

黑殺大聖 一依前咒語書 三清敕墨書 用訣書之 灑字 念天

蓬咒 天蓬訣 語盡筆盡 煞字 用上清訣 鬼字 用斗訣 七縛

七煞 念咒 各想真炁 凡書符行法 先靜其心 更勿雜想 坐建向破 可存本師在前

傳度之師 祖師在後 祖師上清大帝 有天蓬 天猷三十六員大

將 侍衛祖師大帝 存自身為驅邪院使 如天師狀 戴斗 前足踏

剛星 後足踏魁星 取日月天剛真炁入口中 後逐法盡吹之 次第

而取 不得差亂 其炁 太陽真炁 火色 太陰真炁 銀色 天剛

真炁 赤色 右書符 取炁 並用前法

三光正炁及祝筆咒

月君七縛咒

唵嘑明囉嘑囉婆娑薩訶

太上助國救民總真秘要 卷二

清微藏書閣

日君七煞咒

唵嘑明囉軍拏利娑訶

天剛正炁咒

天帝釋章 佩帶天剛 五方凶惡之鬼 何不消亡

飛仙一吸 萬鬼伏藏 天剛大聖 收入鬼心

念日月天剛咒 并各取正炁入符中

祝筆咒 掐斗訣念之

天剛大聖 北斗尊星 誅斬凶惡 滅跡除形

魔王畏懼 膽碎心傾 救民疾苦 大賜威靈

治病去禍 回死作生 天符到處 斷絕妖精

降臨真炁 聖威奉行 急急如律令

三清敕訣


救王清敕 救上清敕 用三清訣彈

救太清敕 卻後再取

凡驅滅強邪猛鬼神風 狂怪惡瘟疫傳尸 即用三清敕 小事

只依常式書之

三台星形 圖內聚形并朱書  
 上台一黃去卻不祥 中台二白護身鎮宅 下台三青治病除精  
 台星到處大賜威靈 誅鋤凶惡救療群生 太上筆法符到奉行  
 北斗星形



四天閉黑濁炁凝常持鉞斧手把天丁威尚一呼瞻碎心傾靈君巡  
 檢聽察尋聲九州社令一一呼名誅鋤凶惡獲罪不輕凶惡者死慈善者生  
 斬頭截足杵碎其形鬼妖蕩盡人道安寧治病驅邪符到奉行急急如律令  
 天剛符

太上助國救民總真秘要 卷二 清微藏書閣

天剛大聖符 為國禳災 日月失度 慧星晝出 早澇蟲蝗 瘟  
 疫流熾 凶惡鬼神入境 出見醜惡怪形 入人宅舍 拋磚擲瓦 使  
 風放火 迷惑生人 即書天剛大聖符真形 存破軍星正炁 如法取  
 而書之

凡有上件事 書此符者 依此法書 預前一日夜 備置香花酒  
 果 供養天剛大聖 并露紙筆墨於香案前 至曉 可屏絕外念 清  
 靜身心 依法書篆此符 餘皆倣此

散形 天字式

剛字式

一玉清上帝 一上清大帝 一太清大帝 一玉皇上帝  
 一 天剛大聖 一 北斗尊星 一 誅戩凶惡 一 滅跡除形 一 魔王畏懼 一 膽碎心  
 傾 一 救民疾苦 一 大賜威靈 一 治病卻禍 一 回死作生 一 天符到處 一 斷絕  
 妖精 一 降臨真炁 聖威奉行 急急如律令

大字式

一 真武符使大逞威靈 救民疾苦斷絕邪精 一 搜捉凶禍 滅跡除形

收魂附體七魄安寧 護身去禍永保長生 眾神凜凜敕下奉行  
聖字式

一乾一元一亨一利一貞 邪不干正一六甲一六丁一丁一力士一五  
雷一使者一風伯一雨師執符而行 急急如律令

敕字式

一玉清上帝一上清大帝一太清大帝一四大天王一五部火輪都法主金  
木水火土五星尊神一六甲六丁將軍一七元尊神一左輔右弼星君一八  
大金剛人九天元君一十方護法神王一玉皇上帝敕

煞字式

一北極大帝一蓬都元帥三十六員大將一天官尊神一地官尊神一水  
官尊神一天煞神君一地煞神君一水煞神君一火煞神君一月煞神君一  
日煞神君一時煞神君無卻無道鬼神皇天不容地府不受

鬼字式

一天帝釋章一佩帶天剛一五方凶惡之鬼一何不消亡一飛仙一吸萬  
鬼伏藏一天剛大聖收入鬼心存見上天 節度破軍尊星真形取炁吹入  
符中

太上助國救民總真秘要 卷二

清微藏書閣

聚形




三光符

散形

一天帝釋章一佩帶天剛一五方凶惡之鬼何不消亡一飛仙一吸萬鬼伏  
藏一開天門一閉地戶一留人門一塞鬼路一念月君七縛咒七遍取炁一  
念日君七煞咒七遍取炁一天帝釋章佩帶天剛五方凶惡之鬼何不消亡  
飛仙一吸萬鬼伏藏天剛大聖收入鬼心取炁

聚形



真武符

散形

一開天門一閉地戶一留人門一塞鬼路一魁魘魘魘魘魘一正月至十  
二月神將一參角亢氏房心尾箕井鬼柳星張翼軫奎婁胃昂畢觜參斗牛

女虛危室壁心子辛子寅子惠子真子鄰子戊子庚子拽煞鬼神君L五炁  
一靈龜一吞魔一食鬼念月君七縛咒七遍取炁念日君七煞咒七遍  
取炁天帝釋章佩帶天剛五方凶惡之鬼何不消亡飛仙一吸萬鬼伏藏  
天剛大聖收入鬼心取炁

聚形



遣符法

右真武真形 護身鎮宅 驅制鬼神邪魔 解冤咒詛 治瘟病伏  
尸鬼症 依存變書之 想見符使 披髮跣足 黑衣 乘黑雲 二十  
八宿從之 咒曰  
玄武符使 大逞威靈 救民疾苦 斷絕邪精  
搜捉凶禍 辟滅其形 收魂附體 七魄安寧  
護身去禍 永保長生 眾神凜凜 敕到奉行  
急急如律令  
次用雷公局發符 閃目三度 存為雷電光明 霹靂打破病人家

太上助國救民總真秘要 卷二

清微藏書閣

住宅 化為神仙宅 金階玉殿 人皆為神仙 并無凡物

祭造法印式

昔先師所受真人北極驅邪院并都天大法主印二面 可以雷震棗  
木 用六丁六甲日 至誠焚香 齋戒潔淨 命匠開之 卻以甲子夜  
星月明煥 於華蓋上 用棗湯二十四盞 時果二十四楮 茶酒香  
等 先具聞奏呈樣 仍獻錢馬等 上驅邪院法主 開印入印聖眾  
天丁力士 五雷使者 風伯雨師 六丁六甲 飛符走印將吏 監印  
掌印尊神 捧印童子 印中聖眾

北極驅邪院印樣



都天大法主印樣



驅邪院印并都天大法主印 各方一寸八分 以金玉為之 雷震棗木  
亦得 召六丁六甲使者 結界守護 置訖 以紅朱傳印面上 先聞

奏上天 次申東嶽及關合屬 去處照會 方得使用  
敕印咒 凡祭印使印 先誦之

北極神印 佩帶真靈 三師下降 依吾旨陳  
神印一下 福壽來臻 邪魔皈正 道炁長存 急急如律令

### 開印咒

天印靈靈 玉皇上帝敕行驅邪

法主監印 天丁力士捧行

邪道聞知膽碎 病人見即安寧

凶逆為禍者滅 慈善為福者亨 急急如律令

### 使印咒

天帝神印 印山成湖 印石成途 印樹樹枯

印地地裂 印木本折 印水水絕 印上徹下

印外徹裏 印前徹後 印左徹右 印邪邪止

印鬼鬼滅 印病病除 印痛痛散 破除鬼炁

流殃墓注 急自走去 正神來居我處 急急如律令

### 入印咒

## 太上助國救民總真秘要 卷二

清微藏書閣

天丁力士入天印 猛裂邪魔化作塵 急急如律令

### 合墨法

細墨二兩 辰砂桃油柳油椿油煙各一分 以少許清酒煮 皂莢

子膠溲和之 五月五日午時作之 咒曰

六甲六丁 神墨靈靈 五老真炁 北方化生

玄元道本 誅斬邪精 人神清淨 鬼妖滅形

發符奏牒 奉命速行 急急如律令

### 祝硯水法

四大開明 天地為常 三光神水 辟除不祥

書符殺鬼 伏吾魁魁 雙星守護 七靈通光

邪神翼伏 萬炁混康 急急如律令

### 朱墨筆咒

太陽俱照 陰鬼當衰 神朱明日 光露太微

我今所化 萬鬼俱摧 七炁成斗 三炁成台

三星俱照 符到速追 筆為神劍 墨為戈戟

筆法治病 萬邪俱伏 急急如律令

取太陽炁流注其口 念咒存想畢 磨墨

先右轉四十九轉 念十二時辰 二十八宿 日月貪狼 至破軍  
次左磨七轉 念魁昴躔魁躔躔 訖 取各星真炁 吹入硯中

收筆並祭法

以六丁六甲日 或五月五日繫之 共十二管 長七寸一分 用  
紫毫三副 上應三台 以甲子日夜 星月分明時 沐浴更衣 行持  
燒香 用表燒獻天剛大聖 錢馬向華蓋上 用臘茶十二盞 搯本師  
訣 存六丁六甲從天門出 乘黑雲下降 化筆為六甲六丁神將 咒  
曰

天丁力士 六甲六丁 聰明正直 操惡最靈  
魔神畏懼 邪鬼心傾 佐天行化 掃蕩妖精  
助吾道法 救護群生 敕下神筆 速降威靈  
書符殺鬼 滅跡除形 上帝敕下 急急奉行  
收水並祭法  
先用本師訣 次用上帝訣 二咒同使

## 太上助國救民總真秘要 卷二

清微藏書閣

每月天德月德日 六甲六丁日 及婆羅王下降日 遇天雨降  
收入瓶中 逐月華蓋上 望天剛大聖 天德月德 五帝龍君 醮祭  
靜心齋潔 存聖眾從天門乘黑雲降下 化入水中 用本師訣 湯  
茶十二盞 錢馬等 誦咒罷燒之 先化土地一分 次化丁甲 錢馬  
祭筆 亦如之 咒曰

天德月德 五帝龍君 上天節度 破軍尊星  
統領神將 六甲六丁 神通第一 威猛最靈  
敕下神水 救度群生 書符篆籙 收斬妖精  
治病除祟 杳絕其形 急急如律令

化錢咒

變神為本師 右手搯仗劍訣  
無為法象 用火為得 燒化錢財 雲香馥郁

唯願神仙 留恩降福

第三度云 大道神仙 留恩降福 其錢馬文字 并一齊排定燒  
之

北帝符 此諸符舊本 與天心法兼行 今以附錄於此

散形

飛仙大聖一玉清聖境元始天尊一上清真境太上道君一太清仙境  
太上老君一玉皇大帝一北極大帝一紫微大帝一左輔右弼相君一上  
元天官一中元地官一下元水官一上台虛精一中台六淳一下台曲生  
玉皇殿前四十萬兵一蓬大元帥 魁魘魘魘魘魘七元尊神 正  
月至十二月神將 北極大帝身披龍服平天冠坐 十二時神將 五  
千萬兵陽先仰陰先復 華蓋七星 貪巨祿文廉武破 天剛大聖印 敕  
甲乙丙丁戊己庚辛壬癸十真武大聖卓劍相待

聚形



太上旃檀九獄符

散形

事正月至十二月神將 中宮大聖 飛天捷疾 十二時辰將 天剛  
大聖 七政將軍 九天使者筆住鬼神住 貪巨祿文廉武破 子辛字  
寅子惠子鄰子戊子庚一上元唐將軍一中元葛將軍一下元周將軍 乾

太上助國救民總真秘要 卷二

清微藏書閣

坎艮震巽離坤兌一開天門一閉地戶一留人門一塞鬼路一轉六神  
藏二轉四煞沒三轉動天地四轉轉天開五轉邪無路六轉鬼消滅小天不  
容地不受一切逆天無道鬼神赴陰獄中受死一蓬大將從艷都山下來  
收無道鬼賊

聚形



凡篆此符 先依式步斗 取剛炁 存三師 中宮旃檀大將 九  
獄符吏 當界土地 里域真官正神 及某身中法錄吏兵 左右圍繞  
三匝 訖 默奏曰 為某人甚事 仗侍香功曹通奏 徑達上帝 乞  
降斗剛真炁 助臣筆法 驅邪輔正 與道合真  
次存斗剛炁入筆 敕筆咒 神筆靈靈 與神交并 神筆一下  
萬鬼自刑 急急如律令 用七星印并功曹印

九獄官咒

公 星 崔 陳 曹 馬 張 夏 侯  
右九獄官 收捉斷頭落角逆天無道一十五種不正為禍鬼神 赴



皆內卯是由光父<sup>卯</sup>鼻肉內柔和<sup>卯</sup>子由先生腐爛息子曰蛇流火星血玄  
武行宮殿神鳥蠻使者急急如真武大聖敕<sup>卯</sup>八卦神君一切無道鬼賊急  
去天上元天官地中元地官人下元水官川日月星辰滅鬼天剛神煞鬼河  
魁神斬鬼<sup>卯</sup>貪巨祿文廉武破

聚形



止小兒夜啼法

用一小火 燒殘柴尾 長六寸 削尖 燒處去灰皮 面南變神  
插本師訣 取南方火星真炁 吸入口中一炁 吹於柴尾上 再吸  
閉炁 書下二十字於其上 令於床下 向月破上釘之 切防動觸  
我有撥火杖 將來作門將 捉著夜啼鬼 徹曉終不放 有符  
口傳心授

止頭痛法

用三光符

貼太陽穴

然後取天剛炁

三度呵之

立瘥

破臙毒法

## 太上助國救民總真秘要 卷二

清微藏書閣

搯斗訣

默念三光咒七遍

取三光炁呵之

三度

自然消散

毒蛇毒物

所傷亦同

治赤眼法

先變神

搯本師訣

取二光炁

灌注水中

然後喝一聲

搯斗

訣

念咒曰

唵嘑日利夜嘑吒

你是李公仲

緣何來我家

急急如

律令

三度念之

三次喝之

將水含洗眼

住瘡子法

先變神為張翼二星官

身長百尺

披綠雲帔

執碧玉圭

居南

方 專管瘡鬼

瘡鬼祖名

形如黑憂等鬼

用斗訣

書此六字於紙

錢上

令三拂病人

於門外燒之

存求符人為本日

日神功曹

便面

北燒香

重書斗中七星名

令病人吞之

立差

仍書符

於男左女

右手中指上繫之

仍押法師花字於符上

候不發

以紙錢將符於門

外燒之

仍用桃枝煎湯

下三光符尤佳

存念張翼二星官

收斷瘡

鬼祖名

形如黑憂等鬼

念二七遍

催生符并可斷鼠

用柏木長四寸

大三指

向天門上置筆

望破燒香訖

立以雙

足 並先開前 謂之開天門 次開後 謂之閉地戶 巽上坐 向乾  
方 把昴星訣及太陽訣 存自己在北斗口中 取巨門星紫色真炁  
下灌符筆 一炁書之 掛於房閣之中 其孕婦未當臨產之時 勿得  
令見 蓋恐動胎耳 符樣



若催生 以三寸方圓紙書符 存見四溟使者 裹拳腳樸頭 皂  
巾抹額 著緋大袖之衣 布列煞鬼雷電火車 以符自咬定 默咒七  
遍 咒曰

天地合 日月合 人鬼合 一炁念之  
次存符兵雷電火車與符入腹中 以新汲水吞下 男左女右 手  
中握出

許真君咒水治病咒  
南招搖 北玄武 東老君 西白虎 天上翁 地下母  
五方神水 啟錄降臨  
敕先誦過咒一萬遍 每用時 只咒七遍 凡咒 先握雷公局

## 太上助國救民總真秘要 卷二

清微藏書閣

一炁念三七遍 取五方炁并天剛炁 灌入水中 如遇一切病患 可  
施此術 施布大功 更以三光符同用 甚妙

雷公局  
仰左手 合右手 以左手第四指鉤右手第三指 右手第二指壓  
左手第四指 左手第三指鉤右手第四指 左手第五指背壓右手第四  
指背中節 右手第五指鉤左手第五指 左手大指掐左手第二指中節  
右手大指掐子文

太上助國救民總真秘要卷之二竟

天運壬辰年丑月正一天師清微弟子洪鼎堅羅大英恭錄彙編

劉尚東複校